

Ullormut oqaluuserisassanut nassuiaat.

(Inatsisartut Siulittaasoqarfiat)

Immikkoortoq 124, Aalisakkat akitsuutaat pillugu inatsisissatut siunnersuut Naalackersuisunit tunuartinneqarpoq.

Immikkoortoq 43, Inatsisartuni aalajangiiffigisassatut siunnersuut, Nunatsinni naalackersuisut Qallunaat Nunaanni naalackersuisunut isumaqatigiinniarnermik aallartitsissasut, nunatsinni ikiaroonartup atugaaneranut tuniniarneqartarneratalu akiorniarneqarneranut, Qallunaat Nunaanni nunatsinnilu politiit suliniutinut annertusaanissamik suleqatigiinnissaat siunertaralugu, siullermeerneqassaaq ulloq 11. november, aappassaaneernejassallunilu ulloq 27. november.

Immikkoortoq 65-ip, Kalaallit Nunatsinni atonerluisunut katsorsaanermut ilinniarfimmik pilersitsisoqarnissaanik Naalackersuisut sulissuteqaqqullugit Inatsisartut aalajangiiffigisassaattut siunnersuutip aappassaaneernejarnissaa UPA 2010-mut kinguartinneqarpoq.

Immikkoortoq 93, Kulturikkut eriagisassat tigussaangitsut illersorneqarnissaat pillugu UNESCO-mi isumaqatigiissutip, 17. oktober 2003-meersup, danskinit atortussanngortinneqarnissaanik Namminersorlutik Oqartussat oqaaseqaatissaannut aalajangiiffigisassatut siunnersuut aappassaaneernejassaaq ulloq 24. november.

Immikkoortoq 103, Atuarfik pillugu Inatsisartut peqqussutaat nr. 8, 21. maj 2002-meersup allanngortinneqarnissaa pillugu Atuarfitsialammi tuluit oqaasiisa atuartitsissutigineqartarnerat qallunaat oqaasiitulli 1. klassimiit aallartittalernissaat anguniarlugu Naalackersuisut suliniuteqaqqullugit peqquneqarnissaannik Inatsisartut aalajangiiffigisassaattut siunnersuut aappassaaneernejassaaq ulloq 27. november.

Immikkoortoq 132, Misigisassianik nioqquteqarnermik ineriartortitsineq pillugu Naalackersuisut nassuiaataat, ulloq 20. november maanna suliarineqartussanngorpoq.

Immikkoortoq 96, Nunalerinermik inuussutissarsiornerup siuarsarneqarnissaa pillugu Inatsisartut Inatsisaattut siunnersuut, Aalisarnermut, Piniarnermut Nunalerinermullu ataatsimiititaliap aappassaaneernejarnissaata pingajussaaneernejarnissaatalu kinguartinneqarnissaat qinnutigivaa, maannalu ulloq 17. november aappassaaniigassanngortinneqarpoq kiisalu ulloq 27. november pingajussaaniigassanngortinneqarluni.

Immikkoortup 121-p aamma immikkoortup 118-p katersuunnermi uani kingusinnerusukkat aappassaaneernejarnissaat Inuussutissarsiornermut ataatsimiititaliap qinnutigivaa. Qinnutigisap akuerineqarnissaa inassutigineqarpoq, taamaalillutik siunnersuutit ulloq 17. november aappassaaneernejassapput kiisalu ulloq 27. november pingajussaaneernejassallutik.

Immikkoortoq nutaaq, Immikkoortoq 30, Namminersornerullutik Oqartussat missingersuutaat pillugit Inatsisartut inatsisaata allanngortinneqarnera pillugu inatsit x, x november 2009-meersoq Naalakkersuisunit kingoqqutsilluni nalunaarutigineqarpoq. Siunnersuut ulloq 10. november siullermeerneqarluni, aappassaaneerneqarluni aamma pingajussaaneerneqassasoq inassutigineqarpoq.

Tamatumunnga tunngavilersuutigineqarpoq missingersuutit pillugit inatsimmi kiisalu Inatsisartut Naalakkersuisullu pillugit Inatsisartut inatsisaanni Aningaasanut inatsisip ulloq 15. novemberiutinnagu akuersissutigineqarnissaa aalajangersarneqarsimammat. Taamatuttaaq kommunit missingersuusiortarnerat, naatsorsuutaat, naatsorsuutit kukkunersiorneqartarnerat aamma karseqarnerat naatsorsuuseriveqarnerallu pillugit nalunaarummi aalajangersarneqarsimavoq ukiunut aningaasanut inatsiseqarfiusunut tullermut kommunit missingersuutaat kingusinnerpaamik ulloq 1. december akuersissutigineqarsimassasut. Taamaattumik aamma siunnersuutigineqarpoq 2010 eqqarsaatigalugu kommunit missingersuutaasa akuersissutigineqarnissaannut piffissarititaq sivitsorneqassasoq. Imm. 30-p saqqummiunneqarneratigut akuersissutigineqarneratigullu Aningaasanut inatsisissaq ulloq 27. november 2009 inaarutaasumik akuersissutigineqassaaq 2010-mullu kommunit missingersuutaat kingusinnerpaamik 15. december 2009 akuersissutigineqartussanngussallutik.

Immikkoortoq 145, Atuarfitsialak nalileqqullugu aammalu Atuarfik pillugu Inatsisartut peqqussutaata nr. 8, 21. maj 2002-meersup itisiliiffiusumik misissoqqissaarnissaanut siunnersuummik saqqummiusseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut maanna 27. november aappasaaniigassanngorpoq.

Immikkoortoq 7-p, 2010-mut Aningaasanut inatsisissatut siunnersuutip aappasaaneernissaata pingajussaaneernissaatalu kinguartinnissaa qinnutigineqarpoq. Siunnersuut 11. november aappasaaneerneqassasoq aamma 27. november pingajussaaneerneqassasoq inassutigineqarpoq.

Taamaattumik 11. november ataatsimiinnissaq nal. 10:00 aallartittariaqarpoq.

Immikkoortoq 120, Kalaallit Nunaanni Inatsisartut aatsitassanut inatsisissaattut siunnersuut 10. november maanna siullermeerneqartussanngorpoq, 24. november aappasaaneerneqassalluni, kiislau 27. november pingajussaaneerneqassalluni.

Immikkoortoq 34, Illuliortiternernut aningaasalersuineq pillugu Inatsisartut peqqussutaata allanngortinneqarneranik Inatsisartut peqqussutissaattut siunnersuut (Attartortup inatsisitigut pisinnaatitaasunut attartortitsinerani pisortanit taarsigassarsilluni illuni attartortitsinermi akiliutissap naatsorsornerani najoqqutassat) UPA 2010-mut kinguartinneqassasoq Naalakkersuisunit qinnutigineqarpoq.

Immikkoortoq 92, Meeqqat atuarfiat pillugu Inatsisartut peqqussutaata allanngortinneqarnera pillugu Inatsisartut peqqussutaat nr. xx, xx. xx 2009-meersoq (Perorsaannermut aamma tarnip pissusaanut tunngasunik siunnersuinerup kommuninut suliasanngortinneqarnera) pillugu siunnersuut Kultureqarnermut, Ilinniartitaanermut Ilisimatusarnermullu ataatsimiititaliamit kinguartinneqarnissaa qinnutigineqarpoq.

Immikkoortoq 92 aatsaat 11. november aappasaaneerneqassaaq, kiisalu 18. november pingajussaaneerneqassalluni.

Immikkoortoq 91, Meeqqat atuarfianni klassini qullerni atuartut atuarnermut tapiiffigineqartarnerat pillugu Inatsisartut peqqussutaata atorunnaarsinnera pillugu Inatsisartut Inatsisissaattut siunnersuut aappasaaneernissaa pingajussaaneernissaalu kinguartinneqassasoq Ilaqutariinnermut ataatsimiititaliamit qinnutigineqarpoq.

Immikkoortoq 91 aatsaat 13. november aappasaaneerneqassaaq, kiisalu 18. november pingajussaaneerneqassalluni.

Immikkoortoq 111, Aningaasanoorutitik pinnguaatinik pinnguarnermik pinngitsoorinnissinnaanngitsut (ludomani) pinaveersaartitsinnermut katsorsaanermillu suliaqarnermut ilanngullugit katsorsaarneqarsinnaalernissaat pillugu Naalakkersuisut aningaasaliissuteqarnissamik suliaqqaqullugit peqquneqarnissaannik inatsisartut aalajangiiffigissassaattut siunnersuut siunnersuuteqartumit tunuartinneqarpoq.

Immikkoortoq 24, Kalaallit Nunaata EU-mi ilaasortaanissaani suleqatigiissitamik pitsaaqutitik ajoqutinillu nalilersuisussamik pilersitsisoqarnissaa pillugu Naalakkersuisut peqquneqarnissaannik Inatsisartut aalajangiiffigissassaattut siunnersuut, siunnersuuteqartumit tunuartinneqarpoq.

Aleqa Hammondip najuutinnginnerani sinniisussatut ukiakkut ataatsimiinnermi Jens Immanuelsenip peqataanerata sivitsorneqarnissaa piffissami 3. novemberimiit 20. november 2009-mut Siumup qinnutigaa. Qinnutigineqartoq akuerineqassasoq Siulittaasoqarfiup inassutigaa.

Inatsisartunut ilaasortaq Akitsinnguaq Olsen, Siumut, 3. novemberimiit sulinngiffeqarnissaminut akuerineqarpoq, taamaattumillu sinniisussaannik aggersaanissaq Siulittaasoqarfimmit akuerineqarluni.

Inuit Ataqtigiinni sinniisussap Peter Lyberthip qinikkatut atuussinnaanera Qinigaanerup Misilinneqarnissaanut Ataatsimiititaliap akuersissutigisimavaa.

Akitsinnguaq Olsenimut sinniisussatut Peter Lyberthip novemberip 3-anit Inatsisartuni ataatsimiinnerni peqataanissaa Inatsisartut akuersissutigissagaat matuuna inassutigaara.

Akerliusoqarnerluni

Peter Lyberth aamma Jens Immanuelsen tikilluaritsi, Inatsisartuni inissannut ingissinnaavusi.

Inatsisartunut ilaasortat Doris Jakobsen (S) aammalu Justus Hansen (D) ullumikkumit atuukkallartussamik taasisarnermut isumaqtigiissuteqarput.